



Ministarstvo poljoprivrede, šumarstva i vodoprivrede HNŽ-K  
Ministarstvo poljoprivrede, šumarstva i vodoprivrede HNK  
Министарство пољопривреде, шумарства и водопривреде ХНК

Na osnovu člana 34. Zakona o izvršavanju Budžeta HNK za 2026. godinu („Službene novine HNK“, broj: 3/26) i člana 29. stav (8) Zakona o slatkovodnom ribarstvu HNK („Službene novine HNK“, broj: 4/14) ministar poljoprivrede, šumarstva i vodoprivrede HNK donosi

**PROGRAM**  
**UTROŠKA NAMJENSKIH SREDSTAVA ZA ZAŠTITU I UNAPRJEĐENJE RIBARSTVA SA**  
**KRITERIJIMA RASPODJELE SREDSTAVA ZA MINISTARSTVO POLJOPRIVREDE,**  
**ŠUMARSTVA I VODOPRIVREDE HNK**

### 1.SVRHA

Svrha Programa je zaštita i unaprjeđenje ribarstva, na ribolovnim zonama kao dijelovima ribolovnog područja HERCEGOVAČKO-NERETVANSKO na području Hercegovačko-neretvanskog kantona, sa naglaskom na uređenje ribarske staze, zaštitu ribljih mrjestilišta, uređenje ribolovnih revira, natkrivena mjesta za odmor ribolovaca, nabavu opreme koja će služiti u svrhu lakšeg obavljanja zaštite i unaprjeđenja ribarstva, promociju sportskog ribolova.

### 2. VISINA I IZVOR SREDSTAVA

Sredstva predviđena kao namjenska sukladno članu 29. Zakona o slatkovodnom ribarstvu HNK („Službene novine HNK“, br. 04/14) u iznosu 148.870,00 KM su akumulirani i razgraničeni namjenski prihodi iz ranijih godina i 2022., 2023., 2024. i 2025. godina koji nisu planirani u Budžetu za 2026. godinu, nalaze se na poziciji: neporezni prihodi-ostali prihodi od imovine (lovstvo i ribarstvo)-namjenski, ekonomski kod 721200.

Na osnovu podataka iz Ministarstva finansija HNK sredstva uplaćena na ime godišnjih naknada za ustupanje dijela ribolovnog područja-ribolovne zone za 2022., 2023., 2024. i 2025. godinu iznose 113.109,00 KM. Također, namjenska sredstva u iznosu od 35.761,00 KM nisu raspoređena sukladno Javnom pozivu iz 2022. godine i nalaze se na kartici prihoda 721228. Cjelokupna namjenska sredstva u iznosu od 148.870,00 KM su na raspolaganju za realiziranje ovog Programa utroška namjenskih sredstava za zaštitu i unaprjeđenje ribarstva sa kriterijima raspodjele sredstava.

Godišnja naknada uplaćivana je prema zaključenom Ugovoru o ustupanju dijela ribolovnog područja-ribolovne zone na području Hercegovačko neretvanskog kantona, u svrhu bavljenja sportsko-rekreativnim ribolovom sa korisnicima ribolovnog prava. Korisnici su naknadu za ustupljeno pravo uplatili na depozitni račun Hercegovačko-neretvanskog kantona organizacijska jedinica 3701001, vrsta prihoda 721228 – „Prihodi od ustupanja ribolovne zone“.

Sukladno članu 40. Zakona o izvršenju Budžeta Hercegovačko – neretvanskog kantona za 2026. god. („Službene novine HNK“, br. 3/26) akumulirani i razgraničeni namjenski

prihodi iz prethodnih godina, koji nisu planirani u Budžetu HNK za 2026. godinu, na zahtjev korisnika Budžeta - Ministarstva poljoprivrede, šumarstva i vodoprivrede, Odlukom Vlade HNK stavljaju se na raspolaganje nadležnom ministarstvu, odobravanjem povećanja prihoda i rashoda u tekućem Budžetu.

Sredstva za realiziranje ovog Programa osigurana su sukladno Odluci o povećanju prihoda i rashoda u tekućem Budžetu HNK za 2026. godinu Ministarstvu poljoprivrede, šumarstva i vodoprivrede na poziciji „Namjenska sredstva od naknada za ribarstvo“ organizacijska jedinica 37010009, ekonomski kod 614300 „Grant neprofitnim organizacijama“, u iznosu od 148.870,00 KM (slovima: stočetrdesetosamhiljadaosamstosedamdeset).

Sukladno Zakonu o slatkovodnom ribarstvu HNK sredstva uplaćena na ime naknade za ustupanje dijela ribolovnog područja-ribolovne zone su namjenska sredstva za zaštitu i unaprjeđenje ribarstva za ribolovne zone za koje je izdano ribolovno pravo.

### 3. KORISNICI

Uplaćena namjenska sredstava iz tačke 2. raspodijelit će se korisnicima ribolovnog prava-udruženjima sportskih ribolovaca koji sa Ministarstvom poljoprivrede, šumarstva i vodoprivrede HNK imaju sklopljen Ugovor o ustupanju dijela ribolovnog područja-ribolovne zone na području Hercegovačko - neretvanskog kantona u svrhu bavljenja sportsko-rekreativnim ribolovom.

Prilikom određivanja raspodjele sredstava u kriterijima vodit će se računa o izvršenim ugovornim obvezama korisnika ribolovnog prava - udruge sportskih ribolovaca vezanim za uplatu godišnje naknade za korištenje dijela ribolovnog područja-ribolovne zone za svaku predmetnu godinu (ostatak sredstva od naknada na kartici prihoda iz ranijih godina, za 2022., 2023., 2024. i 2025. godinu).

Podnositelji prijave koji su dobili namjenska sredstva za zaštitu i unaprjeđenje ribarstva za prijavljene projekte u prošlim javnim pozivima, za iste projekte ne mogu ponovno dobiti namjenska sredstva.

### 4. JAVNI POZIV ZA RASPODJELU NAMJENSKIH SREDSTAVA ZA ZAŠTITU I UNAPRJEĐENJE RIBARSTVA SA KRITERIJIMA RASPODJELE SREDSTAVA U 2026. GODINI

Program će se implementirati putem Javnog poziva u 2026. godini.

### 5. KRITERIJI ZA RASPODJELU SREDSTAVA

Raspodjela sredstava korisnicima ribolovnog prava- udruženjima sportskih ribolovaca vršit će se prema utvrđenim kriterijima:

1. Dostavljen projekt u svrhu zaštite i unaprjeđenja ribarstva, i to:  
Za zaštitu ribljeg fonda - do 20 bodova

- zaštita prirodnih mrjestilišta autohtonih vrsta riba,
- zaštita i unaprjeđenje ribarstva kroz opremanje ribočuvarske službe

Za unaprjeđenje sportskog ribolova - do 10 bodova

- organiziranje edukacije za ribolovce,
  - škola za mlade ribolovce,
  - organiziranje takmičenja za ribolovce,
  - izrada postera, reklamnog materijala, brošura,
- Za zemljišne radove i građevinske radove - do 10 bodova
- sanacije i uređenja ribarskih staza
  - izgradnja nadstrešnice za odmor i rekreaciju ribolovaca
  - izgradnja i dogradnja takmičarske staze i ribarskog puta i staza.

2. Broj članova udruženja - do 10 bodova

3. Površina/dužina/zapremina ribolovne vode, kao i dužina, razuđenost i pristup obali na akumulacijama i rijeci Neretvi sa pritokama - do 20 bodova

4. Uplaćene godišnje naknade za korištenje dijela ribolovnog područja-ribolovne zone od korisnika ribolovnog prava-udruge sportskih ribolovaca sa kojim MPŠV HNK ima zaključen ugovor i to:

- uplaćene naknade za korištenje dijela ribolovnog područja-ribolovne zone u preostalim

sredstvima od naknada na kartici prihoda iz ranijih godina od korisnika ribolovnog prava - udruge sportskih ribolovaca - do 10 bodova

- uplaćene godišnje naknade za korištenje dijela ribolovnog područja-ribolovne zone za 2022. godinu od korisnika ribolovnog prava - do 10 bodova

- uplaćene godišnje naknade za korištenje dijela ribolovnog područja-ribolovne zone za 2023. godinu od korisnika ribolovnog prava - do 10 bodova

- uplaćene godišnje naknade za korištenje dijela ribolovnog područja-ribolovne zone za 2024. godinu od korisnika ribolovnog prava - do 10 bodova

- uplaćene godišnje naknade za korištenje dijela ribolovnog područja-ribolovne zone za 2025. godinu od korisnika ribolovnog prava - do 10 bodova

## 6. RASPODJELA SREDSTAVA

Vezano za član 29. stav (9) Zakona o slatkovodnom ribarstvu HNK („Službene novine HNK“, broj: 4/14) sredstva uplaćena na ime naknade za ustupanje dijela ribolovnog područja-ribolovne zone su namjenska sredstva za zaštitu i unaprjeđenje ribarstva za ribolovne zone za koje je izdano ribolovno pravo.

Novčana sredstva iz tačke 2. ovog Programa odobrvat će se za zaštitu i unaprjeđenje ribarstva kako je utvrđeno u Zakonu, a za provedene aktivnosti i ulaganja/nabavu za realizaciju projekta.

Novčana sredstva iz tačke 1. ovog Programa odobrvat će se za sufinansiranje projekata za zaštitu i unaprjeđenje ribarstva.

Projekti za zaštitu i unaprjeđenje ribarstva, moraju biti urađeni na temelju jedinstvene metodologije za izradu projekta što će biti propisano u Javnom pozivu.

## 7. PRIJAVA NA JAVNI POZIV

Prijava na Javni poziv za raspodjelu namjenskih sredstava za zaštitu i unaprjeđenje ribarstva sa kriterijima raspodjele sredstava dostavlja se na propisanom Obrascu sa dokumentacijom i dostavlja se u zatvorenoj kuverti lično ili putem pošte na adresu: Ministarstvo poljoprivrede, šumarstva i vodoprivrede HNK, Hrvatske mladeži bb, 88 000 Mostar, sa naznakom: „Ne otvarati - Javni poziv za raspodjelu namjenskih sredstava za zaštitu i unaprjeđenje ribarstva sa kriterijima raspodjele sredstava“.

Nakon provedbe Javnog poziva, Vlada HNK donosi Odluku o raspodjeli namjenskih sredstava za zaštitu i unaprjeđenje ribarstva.

Sukladno naprijed navedenoj Odluci, sa odabranim korisnicima Ministarstvo će zaključiti Ugovor o sufinanciranju i uvjetima korištenja namjenskih sredstava za realiziranje projekta za zaštitu i unaprjeđenje ribarstva.

## 8. IZVJEŠĆE O UTROŠKU SREDSTAVA

Nakon završetka projekta, korisnici ribolovnog prava kojima su dodijeljena sredstva, sukladno Zakonu o izvršavanju Budžeta Hercegovačko-neretvanskog kantona dužni su dostaviti Izvješće o provedenim aktivnostima, ostvarenim efektima i utrošenim sredstvima sa priloženim računima o utrošku dodijeljenih sredstava. Izvješće korisnici ribolovnog prava trebaju dostaviti u Ministarstvo poljoprivrede, šumarstva i vodoprivrede HNK 90 dana nakon isplate sredstava korisniku. Ukoliko korisnik sredstava nije dostavio Izvješće o utrošku sredstava ili nije sredstva utrošio namjenski dužan je izvršiti povrat sredstava u Budžet HNK.

Korisnici ribolovnog prava kojima su dodijeljena sredstva podliježu nadzoru kantonalnog poljoprivrednog inspektora. Inspekcijski nadzor u provedbi Zakona o slatkovodnom ribarstvu, kao i ovog Programa obavljaju poljoprivredni inspektori ovog Ministarstva. Poljoprivredni inspektor vrši kontrolu da li su korisnici ribolovnog prava kojima su dodijeljena sredstva dostavili Izvješće o provedenim aktivnostima, ostvarenim efektima i utrošenim sredstvima sa priloženim računima o utrošku istih i da li su sredstva utrošena namjenski. Ako poljoprivredni inspektor utvrdi da korisnik sredstava nije dostavio Izvješće ili utvrdi da je sredstva utrošio nenamjenski, poljoprivredni inspektor nalaže korisniku ribolovnog prava povrat cjelokupnog iznosa dodijeljenih sredstava u Budžet Hercegovačko-neretvanskog kantona uplatom na transakcijski račun Hercegovačko-neretvanskog kantona broj: 1346741007090842 - ASA BANKA.

## 9. DONOŠENJE PROGRAMA

Ovaj Program stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Bosna i Hercegovina  
Federacija Bosne i Hercegovine  
Hercegovačko – neretvanski kanton  
Ministarstvo poljoprivrede, šumarstva i vodoprivrede

Broj: 03-20-382-1/26  
Mostar, 13. 4. 2026. godine

